



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Reginonis Abbatis Prumiensis Libri Duo De Ecclesiasticis  
Disciplinis & religione Christiana**

**Regino <Prumiensis>**

**Parisiis, 1671**

IV. Admonitio synodalis novissima, ab Episcopo legenda post evangelium.

**urn:nbn:de:hbz:466:1-14622**

## I V.

Admonitio synodalis novissima, ab Episcopo  
legenda post evangelium.

*Ex Pontificali Romano.*

FRATRES dilectissimi & sacerdotes Domini.  
Cooperatores ordinis nostri estis. Nos, quamvis indigni, locum Aaron tenemus, vos autem locum Eleazar & Ithamari. Nos vice duodecim Apostolorum fungimur; vos ad formam septuaginta duorum discipulorum estis. Nos pastores vestri sumus, vos autem pastores animarum vobis commissarum. Nos de vobis ratione reddituri sumus summo pastori Domino nostro Jesu Christo, vos de pleibus vobis commendatis. Et ideo, fratres dilectissimi, videte periculum vestrum. Admonemus itaque & obsecramus fraternitatem vestram ut quæ vobis suggerimus, memoriae commendetis, & opere exercere studeatis. In primis admonemus ut vita & conversatio vestra sit irreprehensibilis. In domibus vestris mulieres non coabitent. Omni nocte ad nocturnas horas surgite. Officium vestrum horis certis decantate. Nullus nisi jejunus Missam celebret, & non in vestibus communibus, sed sacris, & nitidis, amictu, alba, cingulo, manipulo, stola, & casula, quæ ad alios usus non serviant. Missas religiosè celebrate. Corpus & sanguinem Domini nostri Jesu Christi cum omni reverentia & tremore sumite. Corporalia mundissima sint. Vasa sacra propriis manibus abluite, & extergite diligenter. Nulla femina ad altare Domini accedat, nec calicem Domini tangat. Altare sit coopertum mundis linteis, faltem tribus diversis; & desuper nihil ponatur nisi reliquæ ac res sacrae & pro sacrificio opportunæ. Missale, Breviarium, & Martyrologium unusquisque habeat. Ecclesiæ vestræ sint bene coopertæ & mundæ. In sacristiis sive secretariis aut juxta altare majus sit locus præparatus ad infundendum aquam ablutionis corporis.

Qq ij

ralium & vasorum sacrorum ac manuum postquam sanctum chrisma aut oleum catechumenorum vel infirmorum tractaveritis ; ibique pendeat vas cum aqua munda pro lavandis manibus sacerdotum & aliorum qui rem sanctam & officium divinum sunt peracturi, & propè linteum mundum ad illas abstergendum. Atria Ecclesiarum sint bene munita. Nullus sine scitu & consensu nostro per potestatem secularem Ecclesiam obtineat. Nullus Ecclesiam ad quam intitulatus est dimittat & ad aliam quæstus gratia se transferat. Nullus plures Ecclesiæ sine titulo & contra sacerorum canonicum dispositiones nancisci præsumat. Nullatenus etiam una Ecclesia inter plures dividatur. Nullus extra Ecclesiam in locis non consecratis celebret. Nullus alterius parochianum absque proprij sacerdotis licentia ad communionem recipiat. Nullus in alterius parochia absque proprii sacerdotis licentia Missam celebret. In celebratione quisque calicem & oblata , non circulo aut digitorum vacillatione, ut quidam faciunt, sed junctis & extensis digitis cruce signet ; sive benedicat. Calix & patena sint aurei vel argentei , non ærei aut aurichalcei , vitrei , vel lignei. Quisque Presbyter Clericum habeat vel scholarem qui cum eo psalmos cantet , epistolam & lectionem legat, & in Missa respondeat. Ipse quoque Presbyter infirmos visitet & reconciliet , & juxta Apostolum propria manu communicet , oleo sancto inungat. Nullus præsumat tradere communionem laico aut feminæ ad deferendum infirmo. Nullus pro baptizandis infantibus , sive adultis aut infirmis reconciliandis , aut mortuis sepeliendis præmium vel munus exigat. Per negligientiam vestram nullus infans sine baptismō & adultus sine communione pereat. Nullus vestrum sit ebriosus aut litigiosus. Nullus arma ferat. Nullus canum aut avium jocis inserviat. Nullus in tabernaculis bibat. Quisque vestrum quantum sapit de evangelio dominico & ceteris festivis diebus suæ plebi annuntiet. Verbum Domini prædicare. Curam pauperum , peregrinorum , viduarum , & orphanorum habere ; ipsosque peregrinos ad prandium vestrum vocare. Eftote hospitalis , aliis exinde bonum exemplum præbentes. Singulis diebus dominicis , ante Missam , aquam qua populus af-

pergatur benedicte : ad quod vas proprium habete. Vasa sacra & vestimenta sacerdotalia nolite negotiatori aut tabernario in pignus dare. Minus dignè pœnitentem cuiuscunque rei gratia ad reconciliationem non adducite , neque ei reconciliationis testimonium perhibete. Usuras non exigite. Nec facultates vestras post ordinationem vestram acquisitas alienate , quoniam Ecclesiæ sunt. Nullus etiam res , possessiones , aut mancipium Ecclesiæ vendere , commutare , aut quoquaque ingenio præsumat alienare. Nullus decimam alterius recipiat. Nullus pœnitentem carnem manducare aut vinum bibere invitet , nisi pro eo tunc eleemosynam fecerit. Quisque fontes baptismales lapides habeat bene mundos ; quos si non habere poterit , vas aliud ad hoc opus solum deputatum teneat. Omnibus parochianis vestris symbolum , & orationem dominicam insinuate. Jejunia quatuor temporum & alia Ecclesiæ mandata significatae observanda. Ante quadragesimam quartam feria populum ad confessionem invite , & confessis juxta qualitatem criminum pœnitentiam injungite. Tribus temporibus in anno , id est , Nativitate Domini , Pascha , & Pentecoste , omnes fideles accedere ad communionem corporis Domini nostri Jesu Christi admonete , & ne omittrat quin saltem in Pascha communicet. Certis temporibus conjugatos abstinere ab uxoribus exhortamini. Nullus vestrum rubeis aut viridibus aut laicalibus vestibus utatur. Diem dominicam , & ceteras festivitates absque opere servili à vespera in vespere celebrari docete. Cantus & choreas mulierum in atrio Ecclesiæ prohibete. Incarnationes super mortuos nocturnis horis à vulgo fieri consuetas sub contestatione Dei omnipotentis verate. Cum excommunicatis nolite communicare ; nec quis vestrum in eorum præsentia celebrare præsumat. quod etiam plebi nuntiate. Et nullus ex plebe uxorem domum ducat , nisi priùs nuptiæ temporibus ab Ecclesia permisis publicè fuerint celebratae. Quod nullus ad raptam vel consanguineam accedat , aut alterius sponsam ducat , omnimodis prohibete. Porcarios & alios pastores saltem dominica die faciatis venire ad Missam. Patrinos , ut filiolos symbolum & orationem dominicam doceant , aut doceri faciant,

Qq iij

exhortamini. Sacramentum eucharistiæ, sanctum chrisma, & oleum catechumenorum, ac sanctum, seu infirmorum, in Ecclesia, in loco mundo, condecenti, & seculo, sub sacra & fida custodia diligenter servate. Quisque vestrum expositionem symboli & orationis dominicæ juxta orthodoxorum patrum traditiones penes se habeat, easque, atque orationes Missarum, & epistolas, evangelia, & canonem bene intelligat, ex quibus prædicando populum sibi commissum sedulò instruat, & maximè non bene credentem. Introitum Missæ, orationes, epistolam, graduale, evangelium, symbolum, & cetera non secreta, alta & intelligibili voce proferat. Secreta vero & canonem morosè & distinctè submissa voce legat. Psalmorum verba & distinctiones regulariter cum canticis confuetis intelligibiliter pronuntiet. Symbolum sancti Athanasij de Trinitate & fide catholica memoriter teneat. Exorcismos & orationes ad catechumenos faciendo sac reliquias preces super masculum & feminam pluraliter vel singulariter respectivè distinctè proferat. Ordinem baptizandi, & ad succurrendum infirmis, reconciliationis, & commendationis animæ, & in agendis exequiis defunctorum, juxta modum canonicum observet. Exorcismos & benedictiones salis & aquæ pertinenter legat. Canticum diurnum & nocturnum sciat. Computum etiam minorem ad inveniendum literam dominicalem, tempus intervalli diei Paschæ & majorum mobilium festorum non ignoret. Volumus autem, fratres dilectissimi, quatenus quæ nostra percipistis traditione bonis studeatis operibus adimplere, præstante Domino nostro Iesu Christo, cui cum Patre & Spiritu sancto est honor & gloria in secula seculorum.

